

**Uunga siunnersuut: Nunanit allanit aningaasanik taarsigassarsinissaq pillugu Inatsisartut inatsisaata atorunnaarsinneqarnissaanik Inatsisartut inatsisaat nr. xx, xx. xxx 2017-imeersoq**  
(Aningaasaqarnermut Akileraartarnermullu Naalakkersuisoq)

### **Saqquumiussissut**

(Aningaasaqarnermut Akileraartarnermullu Naalakkersuisoq)

### **Siullermeerinninneq**

Akileraaruserinermik ingerlatsineq pillugu Inatsisartut inatsisaata atorunnaarsinneqarnissaanik Inatsisartut inatsisisaattut siunnersuut Naalakkersuisut sinnerlugit matumuuna saqqummiuppara.

Inatsisartut imaluunniit Aningaasaqarnermut Akileraartarnermullu Ataatsimiitaliaq siumoortumik akuersiseqqaarnagit 1,9 mia. kr.-inik taarsigassarsinissamut Naalakkersuisunut nunanit allanit taarsigassarsinissaq pillugu Inatsisartut inatsisaanni piginnaatinneqarput.

Naalakkersuisut Inatsisartunut imaluunniit Aningaasaqarnermut Akileraartarnermullu Ataatsimiitaliamut ilassutitut aningaasaliissuteqarnissaq anguniarlugu suliamik siumoortumik saqqummiusseqqaarnatik annertunerusunik taarsigassarsisinnaanerat inatsisartutigoortumik suliatigut naapertuukkunnaarsorineqarpoq. Mittarfinnik nutaanik sanaartornissamik pioreersunillu ineriartortitsinissamik maanna pilersaarusiorkerup Inatsisartut inatsisaat maanna atuttoq siunertaminut tulluuttuunersoq pillugu oqallinnissaq pisariaqalersippaat. Tulluussorineqarnanilu.

Taamaattumillu Inatsisartut inatsisaata sapinngisamik piaartumik atorunnaarsinneqarnissaa tulluartuusoq Naalakkersuisut isumaqarput.

Naggasiullugu inatsisisatut siunnersuut tassungalu oqaaseqaatit innersuussutigissavakka.

Taama oqaaseqarlunga Naalakkersuisut sinnerlugit siunnersuut Inatsisartunut oqaluuserisassangortippara.